

植物名實圖考

植物名實圖考卷之三十八

固始撰其澹著

蒙自陸應穀校刊

木類

野鴉椿 二圖

化香樹

土厚朴

酒藥子樹

苦茶樹

吉利子樹

萬年青

繡花鍼

馬棘

賭博賴

萬年紅

野樟樹

赤藥子

鬧狗子

野漆樹

山桂花

見風消

紫荊花

檜花

拘那花

寶碗花

倒掛金鈎

刺楓

了楓小樹

三角楓

又一種

十大功勞

又一種

望水檀

烏口樹

旱蓮

水楊梅

香花樹

接骨木

野紅花

虎刺樹

半邊風

小銀茶匙

田螺虎樹

水蔓子

白花樹

南
勿
乙
實
圖
考

野
鴉
椿

木
頭
尖
三
寸





野鴉椿

野鴉椿生長沙山阜叢生高可盈丈綠條對節節上發小枝對葉密排似椿而短亦圓似檀而有尖細齒疎紋赭根旁出畧有短鬚以爲達表之藥秋結紅實殼似赭桐花而微硬迸裂時子著殼邊如梧桐子遙望似花瓣上粘黑子 按唐本草實子木形狀極肖亦云子如椒目在花瓣中則焦紅者其花耶附以備考



化香樹

三

木部卷之三十八



化香樹

化香樹湖南處處有之高丈餘葉微似椿有圓齒如橡葉而薄柔結實如松毬刺扁亦薄子在刺中似蜀葵子破其毬香氣芬烈土人取其實以染黑色 按本草拾遺必粟香味辛溫無毒主鬼氣煮服之并燒爲香殺蟲魚葉搗碎置上流水魚悉暴鯁一名化木香詹香也葉如椿生高山堪爲書軸白魚不損書也又海藥本草主鬼疰心氣斷一切惡氣葉落水中魚當暴死核其形狀頗相彷彿名亦近是惟此樹之用在毬染肆浸曬盈筐累甕而拾遺不及之以此爲疑俚醫以爲順氣散痰之藥

直勿名實圖考

土厚朴

四

木類卷之三十八



本草綱目卷之二十一
土厚朴

土厚朴生建昌亦大樹也葉對生粗柄長幾盈尺面緣背白頗脆枝頭嫩葉卷如木筆味辛氣香土人以代厚朴亦效

酒藥子樹

五

木類卷之三十八



酒藥子樹

酒藥子樹生湖南岡阜高丈餘皮紫微似桃樹葉如初生油桐葉而有長尖面青背白皆有柔毛葉心亦白茸茸如燈心草五月間梢開小黃白花如粟粒成穗長五六寸葉微香土人以製酒麴故名

苦茶樹



苦茶樹

苦茶樹生長沙岡阜高丈餘枝葉蒙密紫莖細勁多杈柯附莖
生葉長寸餘微似臘梅葉光腩而皺面濃綠青淡青深紋稀齒
葉間附莖結實圓長有直紋大如梧桐子生青熟紫味苦回
甘生津土人採以爲茗



吉利子樹

救荒本草吉利子樹一名急糜子科荒野有之科條高五六尺
葉似野桑葉而小又似櫻桃葉亦小枝葉間開五瓣小尖花碧
玉色其心黃色結子如椒粒大兩兩並生熟則紅味甜其子熟
時採摘食之 按此樹湖南山阜有之俗呼銅箬散

直勿之誓圖考

萬年青

木類卷之三十八



萬年青

萬年青生長沙山中叢生長條附莖對葉葉長三寸餘似大青
葉有鋸齒細紋中有赭縷一道附莖生小實如青珠數十攢簇
俚醫以截瘡



繡花鍼

繡花鍼江西湖南皆有之小樹細莖對發槎杈葉亦附枝對生似石榴花葉微小面濃綠背淡青光潤柔膩中唯直文一縷近莖葉小如指甲枝端葉亦小距梢寸許無葉細如鍼刺春夏時亦柔軟秋老卽硬江西或呼爲雀不踏俚醫以爲補氣血之藥本草綱目以櫨木一名鵲不踏不知南方有刺之木與草皆呼爲雀不踏不可爲定名也

馬棘

十

木類卷之三十八



本草綱目卷之二十一
菜部
馬棘

救荒本草馬棘生滎陽岡阜間科條高四五尺葉似夜合樹葉而小又似蒺藜葉而硬又似新生阜茨科葉亦小梢間開粉紫花形狀似錦雞兒花微小味甜採花燉熟水浸淘淨油鹽調食按馬棘江西廣饒河濱有之土人無識之者或呼爲野槐樹其莖亦甜



賭博類

十一

木類卷之三十八



賭博賴

賭博賴江西湖南水濱多有之叢生樹高六七尺與水柳叢廁
就莖結楮實熟時小兒食之味淡多子葉如柳而勁無鋸齒頗
似翦成有毛而光能粘人衣故南安土呼賭博賴云



萬年紅

萬年紅江西處處有之大可合抱葉如橘柚冬時實紅如豆纍纍滿枝俗以新年插置甌中爲吉故名

野樟樹





野樟樹

野樟樹生長沙嶽麓叢生小木高尺餘葉極似樟面綠背淡夏
結紅實累累可翫惟移植卽枯圃益弗錄僅供樵薪

赤藥子



赤藥子

赤藥子生南安樹高二三丈赤條聳密長葉相對葉似桃葉色黃綠淡赭紋有橫縐冬結實初如椒而小攢聚繁碎熟時長白如糯米味甜有汁子細如粟味辛土人以餽小兒云能消積按唐本草白藥子葉似苦苣赤莖宋圖經子如菜豆至六月變成赤色皆微相類但非蔓生耳

開狗子

十五

木類卷之三十八




鬮狗子

鬮狗子江西南昌多有之枝幹與狗骨無異花實亦同惟葉作方棱無刺臘時折置花尊紅珠的皦或云狗食其子卽斃

野漆樹

七

木類卷之三十八



野漆樹

野漆樹山中多有之枝幹俱如漆霜後葉紅如烏白葉俗亦謂之染山紅結黑實亦如漆子按爾雅注樵樗栲漆相似如一或卽樵樹耶字亦作杔作梅野人樵採之

山桂花

七七

木類卷之三十八



山桂花

山桂花長沙嶽麓極多春時開小黃花如桂故名叢生小木高二尺餘褐莖勁細葉微似榆而疎齒面絲潤背淡白土人以治氣脹按宋氏雜部水槿樹可放蠟春開黃花形頗相類

見風消

七

木類卷之三十八



見風消

見風消生長沙山阜長葉排生極似樺柳高僅二三尺叢條葱
茂葉面青背白似野胡椒而窄俚醫以爲消風敗毒之藥故名

紫荊花

十九

木類卷之三十八



紫荊花

紫荊花生長沙山阜間小科長條高三四尺莖如荊色褐紫葉如柳而長俚醫以爲敗毒行血之藥 按本草拾遺紫珠味苦寒無毒解諸毒物癰疽喉痺飛尸蠱毒毒腫下癩蛇虺蟲螫狂犬毒並煮汁服亦煮汁洗瘡腫除血長膚一名紫荊樹似黃荊葉小無極非田氏之荊也至秋子熟正紫圓如小珠生江東林澤間形狀極肖治證亦同

又按補筆談以拾遺紫荊爲誤不知其同名異物原書已云非田氏之荊亦晰矣

檉
花

三

木
類
卷
之
三
十
八



樅花

樅花一名紙末花江西湖南山岡多有之叢生細莖葉似榆而小厚澀無齒春開細白花長寸餘如翦素紙一朵數十條紛披下垂凡有映山紅處卽有之紅白齊炫如火如荼其葉嚼爛敷刀刺傷能止血鄱陽縣志作樅未知所本土音則作雜寄紙末則因形而名

拘那花

五

木類卷之三十八



拘那花

桂海虞衡志拘那花葉瘦長畧似楊柳夏開淡紅花一朶數十
莖至秋深猶有之

嶺外代答拘那花葉瘦長畧似楊柳夏開淡紅花一朶數十莖
繁如紫薇花瓣有鋸紋如翦金至秋深猶有之

按此花江西湖南山岡多有之花葉莖俱同紫薇唯色淡紅
叢生小科高不過二三尺山中小兒取其花苞食之味淡微
苦有清香故名苞飯花俚醫以爲敗毒散淤之藥

寶碗花

三

木類卷之三十八



寶碗花

寶碗花樹生長沙岡阜高丈許紫莖長條柔直似木槿附莖生
葉如海棠葉面青背淡光潤柔膩二月間開大紫花

倒掛金鈎

三

木類卷之三十八



倒掛金鈎

倒掛金鈎生長沙山阜小木黑莖葉如棠梨葉光潤無齒梢端結實圓扁有青毛仍從梢傍發枝生葉



刺楸

刺楸一名八角楸。圓莖密刺。葉生莖端。形如椶桐。葉如楓而多歧。至七八寸。又似黃鸞。莖葉而短肥。江西山坡有之。

了楓小樹

三

木類卷之三十八



丫樞小樹

丫樞小樹江西處處有之綠莖有節密刺如毛色如虎不挨長
葉微似梧桐葉或有三叉橫紋糙澀進賢縣志作鴉樞俚醫以
治瘋氣去紅腫



三角楓

三角楓一名三合楓生建昌粗根褐黑叢生綠莖葉如花楷樹
葉而小老者五叉嫩者三缺面綠背淡筋脈粗澀土醫以治風
損按本草綱目有名未用三角楓一名三角尖生石上者尤
良土風溼流注疼痛及癰疽腫毒未述形狀治證頗同



三角樛 又一種

三角樛江西山坡多有之樹高七八尺葉似樛三角而窄面青
秋時結子作排如檜樹角長而子在角下與前一種同名

一物

直刃子實圖考

十大功勞

木類卷之三十八



十大功勞

十大功勞生廣信叢生硬莖直黑對葉排比光澤而勁鋸齒如
刺梢端生長鬚數莖結小實似魚子蘭土醫以治吐血搗根取
藥合口中治牙痛



十大功勞 又一種

十大功勞又一種葉細長齒短無刺開花成簇亦如魚子蘭

望水檀

三

木類卷之三十八



望水檀

望水檀生廬山莖直勁色赤褐嫩枝赤潤對發條葉葉似檀而尖皆仰翕不平展枝梢開小黃花如粟米攢密按唐本草注謂檀葉有不生者忽然葉開當大水農人候之號爲水檀語殊未了徹或卽此樹葉皆翕斂忽然開展主水候耶凡喜陰溼之草木亢久則葉卷合遇雨則舒木根入土深泉脈動而先知亦物理之常

烏口樹

木類卷之三十八



烏口樹

烏口樹江西坡阜多有之高丈餘對節生葉長柄尖葉似柳而寬稍端結實如天竹子大上有兩叉如烏之口土人云葉實可這筋骨起勞傷蓋薪材也

木類卷之三十八

千蓮



木類卷之三十八

旱蓮

旱蓮生南昌西山赭幹綠枝葉如楮葉之無花者秋結實作
齊頭筍子百十攢聚如球大如蓮實

寛
勿
ノ
子
實
圖
形

水
楊
梅

三
五

木
類
卷
之
三
十
八



水楊梅

水楊梅生寧都高丈餘葉如小桑藉紋有齒冬時附莖結實紫黑勻圓大如菘豆土人云果葉可退熱根可治遺精一名水麻

香花樹

三十四

木類卷之三十八



香花樹

香花樹生饒州平野叢生樹高丈餘枝葉相當葉似梅而窄長有細齒春開四瓣小白花綠葉綠萼膏莢圓白如珠繁密如星土人呼爲豆腐樹或云可治氣痛

直刃子香薷子

按骨木

三七

木類卷之三十八



接骨木

接骨木江西廣信有之緣莖圓節頗似牛膝葉生節間長幾二寸圓齒稀紋末有尖以有接骨之效故名唐本草有接骨木形狀與此異



野紅花

木類卷之三十八

野紅花

野紅花生廬山結莖綠枝對葉紅花與朱藤相類唯葉短微圓
有微毛花皆倒垂爲異春時長條朱蘂映發叢薄惟牧豎樵子
攀枝賞歎耳

虎刺樹

三七

木類卷之三十八



虎刺樹

虎刺樹江西南昌西山有之叢生黑幹就莖生枝作苞如椿樹馬蹄而大有疎刺開碎白花結紫實圓扁如豆樹葉如桑葉微小凡俗呼老虎刺虎不換皆以橫枝得名

半邊風



半邊風

半邊風一名鵝掌風撫建山坡有之硬莖長葉中寬本末尖瘦
葉裏下垂秋結小實如蓮子之半外褐黃肉白中吐一鬚土醫
以治風損散血煎酒服

小銀茶匙

三九

木類卷之三十八



小銀茶匙

小銀茶匙贛南田廬上多有之葉本細末大如勺土人以其形呼之供推蒸

植物分類圖考

田螺虎樹

四


木類卷之三十八



田螺虎樹

田螺虎樹小樹生田塍上葉似金剛葉上分兩又土人薪之

水蔓子



水蔓子

水蔓了生湖南山阜赭，
直細葉薄如桑而無光澤，
密齒赭梢端開五尖瓣小白花成簇。